

Թաթարները խիստ գովում էին: Նորանք նորան «Թարբիալի» (կրթված) ածականն էին տալիս: որովհետև տանուտիրոջ զինուորական ծառայութեան միջոցին: քանի տարի նորա կինը խանի անկողնոյն ծառայութիւն էր արել...

Քրանից յայտնուեց, որ Պարսկաստանի խորերը գնացող պահանջողական (КАРАУЛЬНЫЙ) գինուորների գեղեցիկ կանայքը տարվում են խանի տնական ծառայութեանը:

Երկիրը վաղուց է որ անտառներից զրկվել է: միայն փոքր Մասիսի հարաւային արևելեան կողմերումը տեղ տեղ հովանաւորուած են մացառներով: իսկ գիւղերը մեծ մասամբ փշատի ծառերով: որոնք հեռուից նորանց գոյութիւնն են յայտնում:

Ճանապարհների վերայ մի տեղեկութիւն տալու համար: ես մի հետաքրքրական պատմութիւն կանեմ ձեզ: Խալաչ գիւղից Մագու գնալիս հեռուից մի բազմութիւն էր երևում: այդ թափօրը երբեմն շարժվում: երբեմն կանգնում: դարձեալ շարժվում: կրկին կանգնում էր: Այս կողմերի ճանապարհները այնքան ամայի և երկիւղալի են, որ նորա վերայ մարդիկների պատահելը չար նշան է: Երկար ժամանակ դիտակով մտիկ տուի: բայց չկարողացայ ոչինչ հասկանալ: Ճշմարիտ է որ երևում էր մօտ հարիւր քառասուն հոգուց